



## CAMPO DE VOLUNTARIADO ILLAS CÍES (VIGO-PONTEVEDRA)

DATAS	IDADES	ÁMBITO	MODALIDADE	PRAZAS
1-12/07/2021	18-30	Estatal	Ambiental	12
15-26/07/2021	18-30	Estatal	Ambiental	12
2-13/08/2021	18-30	Estatal	Ambiental	12
17-28/08/2021	18-30	Estatal	Ambiental	12



### LOCALIZACIÓN

Este campo de voluntariado está situado nas Illas Cíes, concretamente na Illa de Monteagudo (zona norte) na embocadura da Ría de Vigo.

As Illas Cíes forman parte xunto cos arquipélagos de Cortegada, Sálvora e Ons, do Parque Nacional Marítimo-Terrestre das Illas Atlánticas de Galicia.

O valor ecolóxico do seu medio mariño é incalculable xa que dentro das súas augas consérvanse algúns dos exemplos máis representativos dos ecosistemas mariños atlánticos, que atesouran unha gran riqueza biolóxica.

O medio mariño do Parque é un gran mosaico de hábitats distintos que sustentan unha extraordinaria diversidade de flora e fauna. Hai importantes comunidades como os bosques de algas pardas (*Saccorhiza polyschides* e *Laminaria spp.*), ou as asociadas a fondos como os de Mäerl, e tamén encontramos hábitats definidos como de interese comunitario ou prioritario dentro da Directiva Hábitats da Unión Europea, como os arrecifes, lagoas ou bancos de area pouco profundos cubertos permanentemente de auga mariña.

O medio terrestre está fortemente influenciado pola proximidade do océano, destacando os sistemas de dunas, os acantilados e os matos de toxo ou queiroga.

Tamén na parte emerxida das illas encontramos hábitats considerados como de interese comunitario ou prioritario polas directivas, como as dunas grises, os matos litorais aerohalinos ou os matos de queiroga húmidos atlánticos meridionais.

O principal problema para a conservación neste medio foi a presión humana. Sobre todo nas Illas Cíes as plantacións de eucaliptos, piñeiros ou acacias desprazaron en varias zonas á vexetación autóctona. A erradicación destas especies é un proceso a moi longo prazo no que xa se está traballando e do que se apreciarán os resultados de forma gradual.

Na actualidade estanse realizando actuacións para desenvolver unha adecuada xestión do uso público, os residuos das illas, a navegación e o fondeo de embarcacións, pesca, marisqueo, etc.

A pesca deportiva e a pesca submarina están prohibidas dentro dos límites do parque.

NOTA: Este campo non dispón de accesos para persoas con discapacidades físicas.

### DESCRIPCIÓN DO CAMPO

O traballo será medioambiental e consistirá en labores de mantemento da illa, vixilancia de incendios, labores de información e sensibilización do visitante e intervencións puntuais de mellora no parque en colaboración cos traballadores do servizo de medio ambiente.

Limpeza da illa sur (única illa non comunicada por barco de viaxeiros). (Esta actividade depende do parque, non se poderá realizar en todas as quendas).



### ACTIVIDADES COMPLEMENTARIAS

- Actividades deportivas



## CAMPO DE VOLUNTARIADO ILLAS CÍES (VIGO-PONTEVEDRA)

- Mergullo
- Dinámicas grupais
- Rutas guiadas
- Obradoiros
- Veladas temáticas
- Actividades ambientais

### COMO CHEGAR

O acceso ás Illas Cíes farase en barco dende a estación marítima (ao lado do Náutico) do porto de Vigo. Ten unha duración aproximada da viaxe de 50 minutos.

A ruta Vigo-Illas Cíes realízase a Naviera MAR DE ONS.

**IMPORTANTE:** DEBERÁ INDICARSE NO MOMENTO DE ADQUIRIR A PASAXE PARA O BARCO A PARTICIPACIÓN NO CAMPO DE VOLUNTARIADO.

### ALOXAMENTO E MANUTENCIÓN

A persoas participantes aloxaranse en tendas de campaña, que contan con liteiras con base de lona para o descanso, dentro do recinto do campo de traballo das Illas Cíes (Vigo-Pontevedra). A instalación dispón de barracóns para comedor e duchas.

Na illa hai un supermercado e tres restaurantes-bar.



### INCORPORACIÓN

Ao longo do primeiro día, despois das 16:00 h no campo de voluntariado das Illas Cíes (Vigo-Pontevedra), no punto de información que hai no embarcadoro da illa.

### COTA

CENTO DEZ (110 €) euros. As persoas posuidoras do carné xove, título de familia numerosa ou de familia monoparental, OITENTA E DOUS EUROS E CINCUENTA CÉNTIMOS (82,50 €).

### DEVOLUCIÓN DA COTA

Devolverase a cota no caso de suspensión da actividade.

Cando se produza un ingreso hospitalario ou outra causa médica grave, que afecte á persoa e lle impida incorporarse ao campo de voluntariado. Esta causa debe acreditarse cos pertinentes informes médicos e/ou do hospital no que se atopara ingresado o/a interesado/a ou no caso de ter que abandonar a actividade por motivos relacionados co Covid-19 sempre e cando no transcurra máis del 50% dos días de duración do campo.

Por falecemento ou enfermidade grave dun familiar ata o 2º grao. Esta causa debe estar acreditada con informes médicos e/ou do hospital onde se atope ingresado o familiar, ou con certificado de defunción, de ser o caso.

### EQUIPO ACONSELLABLE

- Útiles de aseo.
- Saco de durmir e mochila para rutas.
- Calzado adecuado para montaña e calzado deportivo.
- Roupa: de deporte, de baño, de abrigo, de auga, de traballo (guantes, gorro, lanterna...). Recoméndase o uso de gorro e protección solar.

Non hai lavadora para roupa (lavado a man).

### DOCUMENTACIÓN

Todas as persoas participantes deberán levar o seu documento de identidade e a tarxeta sanitaria.

### SEGURO

Todas as persoas participantes dispoñen dun seguro que cobre os accidentes que se poidan producir durante a actividade e a responsabilidade civil que deles se poida derivar.

### CONTACTOS

Dirección Xeral de Xuventude, Participación e Voluntariado. Tel. 981 957 115.

[camposdetraballo.xuventude@xunta.gal](mailto:camposdetraballo.xuventude@xunta.gal)

Servizo de Xuventude en Vigo. Tel. 986 817 079

[www.facebook.com/xuventude.net](http://www.facebook.com/xuventude.net)

### INFORMACIÓN ADICIONAL

Na illa hai conexión para a carga eléctrica de teléfonos móbiles. Non obstante, o uso de aparatos eléctricos e electrónicos está condicionado ás limitacións propias das instalacións, así como ao desenvolvemento das actividades nun medio natural especialmente protexido.

[www.xuventude.net](http://www.xuventude.net)



**XUNTA DE GALICIA**  
CONSELLERÍA DE POLÍTICA  
SOCIAL  
Dirección Xeral de Xuventude,  
Participación e Voluntariado

Edificio Administrativo San Lázaro, planta baixa  
15781 SANTIAGO DE COMPOSTELA  
Teléfono 981 957 115

## CAMPO DE VOLUNTARIADO ILLAS CÍES (VIGO-PONTEVEDRA)

Portal da Dirección Xeral de Xuventude, Participación e Voluntariado da Xunta de Galicia con toda a información sobre campos, ocio e tempo libre, actividades, formación...

[www.turismodevigo.org](http://www.turismodevigo.org). Información turística sobre a cidade de Vigo, transportes, accesos...

[www.mma.es](http://www.mma.es). Páxina do Ministerio de Medio Ambiente con información sobre o Parque Nacional Marítimo-Terrestre das Illas Atlánticas de Galicia.